



NATIONAL

POETRY

DAY

Doctor Wha

Wha's Doctor Wha? Wha better kens nor he
that jouks the yetts and rides the birlin wheels
o time and space, shape-shifftin as he reels
through endless versions o reality?
Bit dis he ken himsel? Weel, mibbe sae,
yet wha's tae ken gin aw that's kent by Wha
maks mair or less or better sense ava
nor whit we ithers ken, or think we dae?
The universe is fou o parallels:
wha's like us? Hunners? Thoosans? We oorsels
nicht be mere glisks o life-forms yet tae be.
Whit's real? Whaur's here?
When's noo? Wha's quick or deid?
Wha's jist a thoctie in anither's heid?
Wha's Doctor Wha? Wha better kens nor s^he?

James Robertson



4TH

OCTOBER

2018